

Dem mag es mit seinē wäoern  
 mit wcl misse gan  
 es rat dich eimer dem andern  
 das er selb mit enkan  
 Ein herz soll billich liegen  
 vmb seines leibes noc  
 das hilffet auch in kriegem  
 dich manchem für den tod  
 fragt man dich der warheite  
 wannen die kielē gan  
 so bitt vmb ein geleite  
 sprich du seiest ein kaufman  
 Da sprach der lampartere  
 die rede ist ein wichte  
 mir leit gar harre schwere  
 ich kan der sprachen nicht  
 ich würbe sust nach dē höchstē  
 mit eren gewaltiglich  
 so will ich dich balz trösten  
 also sprach elberich  
 Wilt du mir es nit verkeren  
 ich gibe dir einen stein  
 der dich all sprach müß leren  
 der zungen ward nye kein  
 wann du in jnn deinem münde  
 heimlich ferbozgen hast  
 was red pegelicher kunde  
 das du in wol ferstast  
 Da sprach ome der reine  
 ein fürste lobefan  
 ich wen das kein gesteime  
 die krafft auch müge han  
 da von aller leute  
 sprachen möcht vernemen  
 betrügest du mich heute  
 des magst du dich wol schemē  
 Mit züchtē sprach der cleime  
 du straffest mich zu vil

Got tüt durch würcz vñ steime  
 auch alles das er will  
 im ist kein ding auff erde  
 zū tün vnmügelichen  
 du edeler fürste werde  
 das gelaub gewilliglichen  
 Den stein er in sein munde  
 gar tugentlich verbarg  
 er wolt zu der seunde  
 verführen sein krafft so scarck  
 da trat der vil gezeme  
 hin an des kielē bozt  
 in geducht wie er verneme  
 da aller leute wozt  
 Der marner sprach bescheide  
 owe der grossen not  
 ich sich vil tusent heiden  
 mit einem baner rot  
 was sie da mit gemeinen  
 sie ziechen gegen vns her  
 haben ir nu fürste keinen  
 der sie bescheit der mer  
 Die kiel die fliessen vafte  
 her auff dem wilden see  
 die segel geben glaste  
 vnd weilz recht als der schnee  
 da an des kielē ende  
 da scüno der herz ome  
 ein heiden sprach behende  
 nu lagent wer ir sit  
 Da sprach der lampartere  
 ich bin ein kaufman  
 kaufmanschaft so schwere  
 ich her gefüret han  
 da wimckte er den heren  
 das sie hetten gemach  
 die burgent sich mit eren  
 das man sie nit ensach